

四庫全書

史部

欽定四庫全書

明會典卷一百十七

兵部十二

侍衛

朝廷侍衛將軍等項人員各設官統領凡正旦冬至聖節三大朝會大祀誓戒冊封遣祭傳制御殿則用全直常朝則更番其衣甲器仗及陳列位次各有定制具列于後

事例

凡大朝御殿華蓋殿導駕錦衣衛將軍十人金盔甲懸
金牌佩刀執金瓜盪頂門將軍八人紅盔青甲懸金牌
佩刀執金瓜

奉天殿御座左右將軍一百十八人錦衣衛九十八人
四十二人金盔甲十六人明盔甲俱懸金牌佩刀執金
瓜二十人明盔甲懸金牌執大紅刀二十人紅盔青甲
懸金牌佩刀執金瓜三千營二十人十人紅盔青甲懸金

牌執金瓜十人盔甲如前懸金牌弓矢佩刀

簾下錦衣衛將軍四人金盔甲懸金牌佩刀執金瓜

殿門將軍三十六人錦衣衛十六人金盔甲金牌佩刀

執金瓜三千營二十人紅盔青甲懸金牌弓矢佩刀

傘下錦衣衛將軍六人

扇頭二人

殿角及石柱各二人俱金盔甲懸金牌佩刀執金瓜

丹陛將軍六十人錦衣衛二十人四人金盔甲十六人

明盔甲俱懸金牌佩刀執金瓜三千營四十人紅盔青甲懸金牌執大紅刀

上下纏腰將軍三十四人錦衣衛四人金盔甲金牌佩刀執金瓜三千營三十人紅盔青甲懸金牌執鶻頭刀

上下踏蹀將軍三十二人錦衣衛十六人紅盔青甲懸金牌佩刀執鐵瓜三千營十六人紅盔青甲懸金牌弓矢佩刀

東西餞廊將軍十六人錦衣衛八人紅盔青甲懸金牌
執金瓜三千營八人盔甲如前懸金牌弓矢佩刀

中左中右門將軍十六人錦衣衛八人紅盔青甲懸金
牌佩刀執金瓜三千營八人紅盔青甲懸金牌弓矢佩
腰刀

丹墀左右將軍二千八百五十六人錦衣衛一千六十
有六人九百五十二人紅盔青甲懸金牌弓矢佩刀五
十人紅皮盔餞金甲五十人紅皮盔描銀甲俱懸金牌

佩刀執金瓜十四人紅盔青甲懸金牌執開鞘大刀三千營一千七百九十人一千三百有十人紅盔青甲懸金牌弓矢佩刀執金瓜及大黑刀四百八十人明盔甲懸金牌弓矢佩刀俱重行長擺

丹墀四隅錦衣衛將軍二百人紅盔青甲懸金牌佩刀作四隊周圍五軍官軍二千人紅盔青甲執叉刀及金鎗作四十隊

奉天門將軍二十四人錦衣衛八人金盔甲八人明盔

甲四人紅盔青甲三千營四人紅盔青甲俱懸金牌佩刀執金瓜

東西角門將軍二十四人錦衣衛十六人紅盔青甲懸金牌佩刀執金瓜三千營八人紅盔青甲懸金牌弓矢佩刀

金水橋三千營將軍八人紅盔青甲懸金牌佩弓矢腰刀

左右品牌三千營將軍各八人



左右順門各四人

東西城路各二人俱紅盔青甲懸金牌弓矢腰刀

凡常朝御奉天門

掌領侍衛官三員管大漢將軍及府軍前衛帶刀官一員管紅盔將軍一員管叉刀官軍俱鳳翅盔鎖子甲懸金牌佩繡春刀直左右闌干首

錦衣衛將軍二十四人明盔甲懸金牌佩刀執金瓜列闌干內

勲衛散騎舍人四員府軍前衛官二十員明盔鎖子甲
懸金牌佩刀夾左右陞

錦衣衛指揮一員常服懸金牌列御道西千戶二員百
戶十員俱常服懸金牌列其下

錦衣衛將軍八人明盔甲懸金牌佩刀夾御道左右八
人明盔甲懸金牌佩刀執金瓜掖兩陞下四人明盔甲
懸金牌佩刀執金瓜直左右石匱

錦衣衛將軍二十人三千營將軍二十人俱紅盔青甲

懸金牌佩刀直左右踏蹬

錦衣衛將軍二十八人明盔甲懸金牌佩刀執金瓜二
十八人明盔甲懸金牌執大紅刀列丹墀文武班後四
十人紅盔青甲懸金牌執金瓜四十人紅盔青甲懸金
牌執大刀次之六十六人紅盔青甲懸金牌佩刀又次
之三千營將軍七百二人紅盔青甲懸金牌執瓜刀次
錦衣衛將軍後二百四十人明盔甲懸金牌弓矢器仗
又次之

五軍營官軍五百人紅盔青甲銅牌執叉刀次三千營
將軍後五百人披執如前列金水橋南

旗守等衛官四十員常服懸金牌佩刀列叉刀後

錦衣衛將軍八人明盔甲懸金牌佩刀執金瓜八人紅
盔青甲懸金牌佩刀執鐵瓜三千營將軍八人紅盔青
甲懸金牌弓矢佩刀列金水橋左右

錦衣衛將軍八人紅盔青甲懸金牌弓矢佩刀三千
營將軍八人紅盔青甲懸金牌弓矢佩刀直東西角

門

錦衣衛將軍八人三千營八人披執如前直左右順

門

錦衣衛將軍四人三千營四人披執如前直東西城
路

錦衣衛校尉五百人鳴鞭及擎執傘扇儀仗者鶩帽只
孫抹金銅束帶皂靴列午門內外其餘方巾青衣抹金
銅帶雙魚銅牌執鐵狼牙等器仗列御道西

凡各項侍衛將軍遇郊祀等項聖駕出入則於鹵簿儀仗中分行扈從至則護衛齊宮及分守郊壇等處內外門禁

凡每日輪將軍一百名分早晚兩班於午門東西聽候夜則坐更

凡遇經筵該班大漢將軍二十人有官者便服烏紗帽無官者明盔便服佩刀執金瓜於文華殿內東西侍衛凡五軍叉刀官軍每夜於皇城直宿

凡管大漢將軍及管叉刀官每日侍衛管紅盔將軍官
錦衣衛官勲衛散騎舍人府軍前衛旗手衛官各色把
總及將軍官軍旗校等俱三日一更番

凡勲衛散騎舍人舊制擇公侯都督及指揮嫡長次子
為之俸秩視八品侍衛直宿外或令署各衛所事及聽
差遣有才器超卓者不次擢用天順間令俸秩比正千
戶月支米十六石

凡將軍舊制選軀幹豐偉有勇力者為之立千百戶總

旗統屬其衆年深者以次陞補成化初令侍衛二十年
退閒者冠帶榮身十五年令侍經筵八年者授試百戶
凡千百戶照品給俸其餘月支米二石身故而子孫願
代及投充者驗中方許

凡侍衛金牌瓜刀盔甲等件天順八年奏准撥左闕門
下祇待房一間頓放

凡府軍前衛帶刀官四十員每班二十員旗手等二十
衛帶刀官一百八十員每班四十員錦衣衛將軍一千

五百七員名每班三百二十五員名三千營紅盔將軍
一千五百員名每班七百五十員名把總指揮十六員
明盔將軍四百八十員名每班二百四十員名把總指
揮四員五軍叉刀手三千名每班一千名把總指揮八
員

明會典卷一百十七

欽定四庫全書

明會典卷一百十八

兵部十三

守衛

國初置都鎮撫司總領禁衛又以親軍諸衛分番守衛而改都鎮撫司為留守五衛時常巡察後差官點閱其法漸密今悉載之若大明律所具者見刑部律令項下

計各衛分定地方

皇城四門自午門左至闕左門東第五鋪午門右至闕右門西第五鋪端門左至承天門左橋南端門右至承天門右橋南長安左門至外皇城以東第六鋪長安右門至外皇城以西第十一鋪

右旗手濟陽濟州府軍虎賁左金吾前燕山前羽林前八衛官軍分守

東華門左盡左第十一鋪東至東上門左東華門右

盡右第一鋪東至東上門右東安門左外盡左第十四鋪內至東上南北門左東安門右外盡右第十四鋪內至東上南北門右

右金吾左羽林左府軍左燕山左四衛官軍分守

西華門左盡左第一鋪西至西上南北門左西華門右盡右第九鋪西至西上南北門右西安門左外盡左第十二鋪內至乾明門左西安門右外盡右第七鋪內至乾明門右

右金吾右羽林右府軍右燕山右四衛官軍分守

玄武門左盡左第五鋪北至北上門北上西門以左玄武門右盡右第四鋪北至北上門北上東門以右北安門左外盡左第十二鋪內至北上西門外以左北安門右外盡右第八鋪內至北上東門外以右

右金吾後府軍後通州大興左四衛官軍分守

事例

凡各門守衛官員照依地方各領銅符收掌守衛

承天門領承字號

東安門領東字號

西安門領西字號

北安門領北字號俱陰文右比留守衛巡城官員領承字等四號銅符俱陽文左比

凡守衛官遇巡城官到來將銅符比驗相同方許點開凡各門守衛官員遇夜各領令牌賁執巡警

午門領申字一號至四號

長安左右門及東華門領申字五號至八號

西華門領申字九號至十二號

北安門領申字十三號至十六號

凡皇城每日輪都督一員帶刀千百戶一員領申字十七號令牌於內直宿仍點各門守衛軍士

凡內皇城四圍二十八鋪設銅鈴二十八每更初自闕右門發鈴傳遞至闕門第一鋪止次日納鈴於闕右門第一鋪夜遞如初外皇城四圍七十二鋪銅鈴七十

八每更初自長安右門發鈴傳遞至長安左門止次日
納鈴於長安右門第一鋪夜遞如初

凡內皇城左右每夕輪坐更將軍一百人每更二十人
凡內皇城四門設走更官八員於內府給領簿籍每更
各門官交互往來於簿上用印一顆為信

東華門官南至闕左門北至玄武門西華門官北至玄
武門南至闕右門其三門官更赴東華西華二門亦如
之

凡官員人等出入四門無牙牌者附馮水牌

凡外皇城各門設馬直百戶十八員各領全伍以備隨
駕

洪武二十七年聖旨榜例自古到如今各朝皇帝差軍
守衛皇城務要本隊伍正身當直上至頭目下至軍人
不敢頂替這等守衛是緊要的勾當若是頂替干係利
害撥散隊伍守衛尤其利害且如論隊伍守衛撥那所
軍若用軍多盡本所守衛若用少或五百三百二百一

百務要整百戶守衛若軍別無事故各各見在衛所其當該管軍人員不行仔細檢點照依原伍上直致令小人賣放或間居在衛所或私自縱放不在衛所點視不到定將本管指揮千百戶衛所鎮撫總小旗各杖一百指揮降千戶調邊遠千戶降百戶調邊遠百戶降總旗調邊遠衛鎮撫降所鎮撫調邊遠總旗降小旗調邊遠小旗降做軍調邊遠如是受財賣放以致隊伍不全係是圍宿重事不問賊多少處以重罪

一當直之時不問全所或一百戶上直必定無全伍何故無全伍且如父母妻子或死喪或因病或本身有病或嫁娶或公差或因事被監或種植蔬菜五穀看守果木婦人產難此數等皆是軍人有妨上直之時理合明白開碼是數事內何等妨占自此等別無虛冒難以問罪理合逐件准該

一若本無前條數事倚法為奸妄稱數事內一事不行上直非官吏該管容縱罪坐本軍杖一百流烟瘴若所

管官旗人等受財冒為此事不拘贓多少處以重罪
一軍人在京衛分近處不出百里之外死喪慶吊許告
假行本衛親管官旗首領官吏即時准告放行以快人
情敢有留難答五十上官罰俸一月

一凡當直之日務要各千戶差調本管百戶各帥本隊
伍旗軍一名一名務要着實不許頂替若有事故儘有
事故開除見在不問多少從實當直若將本隊伍一百
戶軍調做三四次當直或一旗一直兩旗一直或五名

一直三名一直多少不等折散隊伍處以重刑家遷化外

一若死喪親姻疾病產難隨即告知本管官旗即時放行毋得刁蹬留難若有刁蹬留難即時親身赴御前陳告若當直之時本身若有暴疾本管官旗即放歸營所請醫調治或看視遲慢放回猶豫致令病甚親管小旗杖一百總旗杖九十百戶住俸一月其病軍食錢帶去不必瑣碎來奏

一若軍人別無餘丁家有父母或父或母一時染病不能痊可似這等軍許不當直告知明白在家侍奉父母病疾管甚麼十日五日半月一月不拘幾時直待父母痊可終方上直若父母病痊及父母無病詐稱有病開驗是實治以重罪輕則流入烟瘴

一軍人單夫隻妻者若妻有病本軍許不上直看覷妻室病痊之後纔方上直設或無病稱病病痊不直開驗是實調入烟瘴

一若官旗首領官吏不畏法度擅將上直軍人撥散隊伍許本隊伍內不問軍旗人等赴御前陳奏聞驗是實賞鈔五十錠作弊官吏處以重刑

一凡點大軍病疾不許扛擡赴點幼軍自十三赴點十二以下皆不赴點止點視於營中

一凡一應關請有孕婦女不許入內違者本管官旗杖一百若不令官旗知會匿孕私入者罪坐本婦

一凡當直之時守衛何門本日外人於內辨事事畢仍

於本門回還若自本門入不自本門出不問是何等人
却被別門擒拏雖係國戚亦當即時奏聞區處將所入
之門守直官旗軍人俱各處重刑擒拏之門直守軍旗
受賞

一凡整點大軍本管官旗私下縱令正軍不入隊伍臨
點之際却乃雇覓他人代替點視者官旗與雇覓之人
俱各處以重刑有能首告者賞鈔一百錠官首告陞階
總旗首告陞百戶小旗首告陞百戶軍人首告陞百戶

仍賞鈔一百錠本管官旗自行舉覺者不在陞賞之例
一在京軍人戶下壯丁多者或弟兄子姪或見贅在戶
女婿凡遇上直做工公差許輪流代替不輪者聽若遇
出征調遣正軍親行正軍軟弱戶下壯丁願隨行代替
者亦聽本管官旗首領官吏敢有刁蹬者杖一百罷職
總小旗首領官吏邊遠充軍

一遇朝叅先放直日都督將軍散騎帶刀人員及應直
帶刀指揮千百戶衛所鎮撫進然後百官進朝不許攙

越混雜

一守衛官員凡遇當直須待朝後辰時方許交班違者
問罪

一凡內官內使小火者出入各門守門官軍務要搜檢
精細揣捏交襠或將帶金銀段疋衣服等項須憑勘合
放出或有公差幹辦事務明白附寫前去某處公幹及
辨驗身上衣服是何顏色見數明白隨即附記事畢回
還依數點進但有點對不同即時奏聞

一內官內使須要比對銅符依前搜檢放出若內官內使出門本無銅符及有銅符不行比對明白輒便放出者守門官軍治以重罪

一各處進納官物長解及內府做工諸色人等誤帶鈔貫等物入門守門官軍務要用心搜檢止當寄放方許進門若進門之時搜檢潔淨比候出門搜出有帶出物件即時拏奏

一官員軍民人等入奏事務守衛官軍人等不許問其

緣故所將文書亦不許開看隨即徑直引奏若擅問緣故及將文書開看者依律論罪

承天門紅牌

一官員人等說謊者處斬

一凡大小官員奏事語言不一轉換支吾面欺者斬

宣德三年令皇城四門常差御史一員往來巡視 五

年令各門進出事件每日從守衛官具奏 天順元年

添差給事中一員巡視各門 五年令守衛官有懸帶

金牌棄置兵仗擅離信地者錦衣衛官校并巡視給事中御史拏送法司問罪決杖一百發遼東邊衛差操

成化四年革馬直官軍選精壯者補宿衛 十一年令

留守衛官每日巡行各門點閘二次 十二年奏准每

日長安左右門初開先放常朝及見辭等項官吏盡絕

方許驗牌放進各監局工役人等有攙越混進及夾帶

財物入內買賣者守衛官具奏治罪 弘治元年奏准

朝叅文武官隨從官吏人等俱官給木牌懸帶守衛官

軍辨驗放入其謝恩見辭工滿囚人進春進厯送納錢糧諸色人經該衙門給與牌面事畢收回人數多者給印信手本送守衛官照入 二年令留守衛官每夜分行各門點開二次 十年令各門守衛官軍隻日輪給事中雙日輪御史及兵部委官點開 十三年奏准凡左道邪術及燒煉丹藥之人擅入皇城黃緣求進而守衛官軍不行關防搜拏者叅奏治罪 十四年令各門進納錢糧所在守門軍士及門吏邀索財物者聽點城

及巡視科道官叅提問罪

守衛軍士食錢

諸司職掌

凡在京上十二衛守衛隨駕軍人每名一直三日食錢鈔三百文先期一日令各衛將軍名數具手本報進內府本部官一員攢類軍名并該支鈔錠總數送禮科關鈔令該管守衛官領去給散如有公差患故名數食錢明白扣除不許將軍人頂替冒支

事例

洪武二十八年設皇城四門廚房恩軍為守衛軍士做
造飯食長安左右門廚房二所恩軍二百二十五名管
軍百戶二員金吾前衛鎮撫司帶管東安門廚房一所
恩軍九十七名管軍百戶一員羽林左衛鎮撫司帶管
西安門廚房一所恩軍一百十一名管軍百戶一員羽
林右衛鎮撫司帶管北安門廚房一所恩軍一百十二
名管軍百戶一員金吾後衛鎮撫司帶管 永樂七年

以後每官軍守衛三日於京倉支直米五升 正統六年復設各門廚房分調南京原額恩軍一百名及於在京撥補共五百名簡選百戶五員分領做飯其帶管食糧悉依洪武舊例 弘治二年令守衛官軍每直於各門內倉支直米五升

牌面

諸司職掌

凡隨駕官員力士校尉須憑牌面守衛其牌面內府印

綬監掌管輪直官員人等於簿上明白附寫花名畫字
給領如遇下直務要交割明白勾銷庶無差失其在外
新設衛所申索守禦夜巡銅牌須要定奪數目編置字
號行移禮部鑄造就送該部給發

事例

詳見尚寶司

東宮侍衛

凡千秋節正旦冬至朝賀俱有將軍及各項官舍旗校
左右侍衛

文華殿內外

管領侍衛官二員

錦衣衛明盔將軍三十人

三千營紅盔將軍三十人

丹陛丹墀及文華門左右

錦衣衛擎執傘扇儀仗官校四百十九人

答應官校六十六人

旗手衛陳列金鼓旗幟官軍一百三十五人隨侍營帶

刀官舍一百五十八人答應控馬等項官舍二百二十人

五軍義刀官軍三百二人

護衛官舍一千五百八十二人

凡將軍旗校人等從各營衛於應直人員照例差撥

凡隨侍官舍於公侯伯都督都指揮指揮千百戶之家
選人物端正年力相應者充仍推指揮二員管領從三
千營提調

凡隨侍官舍分為三班遇朝賀全集其每月朔望朝參止
輪一班

明會典卷一百十八

欽定四庫全書

明會典卷一百十九

兵部十四

驛傳

自京師達於四方設水馬驛并遞運所以便公差人員往來其間有軍情重務必給符驗以防詐偽至於公文遞送又置鋪舍以免稽遲及應役人等各有事例今并驛遞名目具照官制開列於後後裁革不一

不復詳載

諸司職掌

凡天下水馬驛遞運所專一遞送使客飛報軍情轉運軍需等項合用馬驢船車人夫必因地里要衝偏僻量宜設置其僉點人夫設置馬驢船車什物等項俱有定例須要常加提督有司整治或差人點視不許空歇但有人夫馬驢船車什物損壞缺少將有司并驛所當該官吏坐罪仍督併修理補買

會同館

事例

國初改南京公館為會同館永樂初設會同館於北京
三年併烏蠻驛入本館正統六年定為南北二館設大
使一員副使二員內副使一員分管南館

一接待各王府公差進奏人員及四裔朝貢使客原設
馬驢館夫鋪陳什物俱有定額本部委官提督點視如
有馬驢倒死夫役在逃鋪陳不整照例勾解買補應合

給驛應得脚力者填寫勘合發館起關應付其南京會同館從南京兵部一體委官提督

一各王府公差人員及遼東盖州復州海西等衛女直朶顏三衛以至土魯番賽瑪爾堪哈密赤斤罕東等衛回回西番法王洮岷等處雲貴四川湖廣土官番人等俱於北館安頓凡迤北瓦剌朝鮮日本安南等國進貢陪臣人等俱於南館安頓

一四裔使臣除有例開市交易外不許往來街市交接

閒人違者將該管人員叅送問罪

一本館額設館夫四百名分屬南北二館專造飯食以供使客係順天府所屬僉充者三年一代在外府州僉充者一年一代其法司囚人問充館夫在逃者就發本館永充館夫

一本館額設馬一百七十一匹驢一百三十七頭俱係順天府所屬土民及南直隸鎮常蘓三府浙江江西等布政司紹興南昌等府糧僉人戶照依在外驛分事例

集價置買以供走遞其鋪陳什物順天府所屬各照原定等第置買送部驗中發館應用

一凡遇夷人朝貢之時館夫人等在館供事者俱要懸帶官給火印木牌照驗出入事畢赴本館交收

弘治十三年奏准會同館夫供役三年轉發該管有司收當民差另僉解補不許過役更易姓名捏故僉補違者官吏一體坐罪若五年以上不行替役及近館無籍軍民人等用強攬當者俱問發邊衛充軍

馬驛

諸司職掌

凡馬驛設置馬驢不等如衝要去處或設馬八十匹六十匹三十匹其餘雖非衝要亦係經行道路或設馬二十匹十匹五匹大率上馬一匹該糧一百石中馬一匹該糧八十石下馬一匹該糧六十石其僉點人戶先儘各驛附近去處僉點如果不敷許於相隣府縣點差如一戶糧數不及百石者許衆戶輳數共當一夫其收買

馬匹鞍轡氊衫什物驛夫各照田糧驗數出備

一各驛馬匹須分上中下三等馬膊上懸掛小牌明寫等第憑符應付

一各驛馬夫須置銅鈴遇有緊急公務將懸帶馬上前路驛分專一聽候鈴聲隨即供應不致妨誤

一各驛馬鞍已置木綿及氊塌軟座經過使客不許將氊衫於馬鞍上墊坐如遇陰雨方許給付氊衫雨帽

事例

洪武八年定馬夫免糧則例自京至宿州十三驛馬夫
田租全免自百善道至鄭州免三分之二自滎陽至陝
西山西北平二百二十一驛免三分之一十六年令
僉蘄松嘉湖四府民占田四十頃之上者出上馬一匹
三十頃之上出中馬一匹二十頃之上出下馬一匹

十八年命各處驛馬不問官給自備其孳息聽令貨鬻
惟為事囚軍官給馬匹有孳生者仍令報官 永樂二
年命僉江西八府民充馬戶每糧五百石僉上馬一匹

如一户糧不及數許併戶僉充糧多者充馬頭責令集
價買馬 成化元年秦淮南北直隸及山東等處各驛
馬夫俱於本地相應人戶內僉充免其賦役其南方糧
僉夫役悉與開除 弘治三年議准各處徵收馬價銀
係會同館者解兵部係在外驛分者解該管官司照例
支給每一夫一馬歲給工食草料銀二十五兩買補上
馬一匹上鋪陳一副各給銀十五兩中馬一匹中鋪陳
一副各給銀十三兩下馬一匹下鋪陳一副各給銀十

兩仍督令如法買補 十三年奏准南北直隸山東等處馬驛僉到馬頭願雇土民代役者聽若用強包攬者問罪旗軍發邊衛民并軍丁人等發附近俱充軍其有交通包攬之徒將正身姓名捏寫虛約投托官豪勳戚之家前去原籍妄捏正身家屬逼勒取財者所在官司應提問者收問應奏人員羈留奏請提問俱照前例充軍該管官司坐視縱容者叅究治罪

水驛

諸司職掌

凡水驛設船不等如使客通行正路或設船二十隻十五隻十隻其分行偏路亦設船七隻五隻大率每船該設水夫十名於有司人戶納糧五石之上十石之下點充不拘一戶二戶相合俱驗所該糧數輪流應當

事例

弘治七年命定協濟水夫則例每船一號夫十名歲徵工食過關銀一百二十兩每三年加修理船隻鋪陳銀

四十兩每十年加置造船隻鋪陳銀八十八兩其水夫
從該驛雇倩本處誠實土民應當 十一年議准各處
水驛驛船每隻歲減水夫二名扣銀二十四兩收積在
官遇修理置造之年量數支用更不加徵修理置造銀
兩

計天下水馬驛

北直隸

順天府

順義縣

順義驛

良鄉縣

固節驛

懷柔縣

古北口驛

密雲縣

密雲驛

涿州

涿鹿驛

通州

和合驛

潞河水馬驛

三河縣

夏店驛

武清縣

河西水驛

楊村驛

楊青驛

薊州

公樂驛

漁陽驛

遵化縣

本縣馬驛

遵化驛

石門鎮驛

豐潤縣

永濟馬驛

義豐驛

玉田縣

陽樊驛

大名府

艾家口水驛

濬縣

新鎮水驛

平川水驛

內黃縣

黃池水驛

順德府

邢臺縣

龍岡馬驛

內丘縣

中丘馬驛

廣平府

永年縣

臨洺馬驛

邯鄲縣

叢臺驛

河間府

河間縣

瀛海馬驛

靜海縣

奉新驛

任丘縣

鄭城驛

新中驛

獻縣

樂城驛

阜城縣

阜城驛

青縣

流河驛

興濟縣

乾寧驛

交河縣

新橋驛

富莊驛

景州

東光驛

吳橋縣

連窩驛

滄州

磚河驛

真定府

恒山驛

井陘縣

陘山驛

藥城縣

關城馬驛

獲鹿縣

鎮寧馬驛

定州

永定驛

新樂縣

西樂驛

曲陽縣

伏城驛

趙州

鄆城驛

柏鄉縣

槐水驛

保定府

金臺馬驛

安肅縣

白溝驛

慶都縣

翟城驛

定興縣

宣化驛

新城縣

汾水驛

雄縣

歸義驛

唐縣

軍城馬驛

易州

清苑馬驛

上陳驛

涑水縣

塔崖馬驛

永平府

遷安馬驛

灤河馬驛

蘆峯口驛

遷安縣

灤陽馬驛

七家嶺驛

撫寧縣

榆關驛

南直隸

應天府

龍江水馬驛

江東馬驛

江寧縣

大勝驛

江寧馬驛

句容縣

龍潭水馬驛

雲亭驛

添設

江浦縣

江淮驛

東葛城驛

六合縣

棠邑驛

鎮江府

炭渚驛

京口驛

丹陽縣

呂城驛

雲陽驛

常州府

武進縣

毗陵驛

無錫縣

錫山驛

蘓州府

姑蘓驛

崑山縣

寧海驛

吳江縣

平望驛

松陵驛

寧國府

宛陵驛

水陽驛

太平府

繁昌縣

荻港驛

當塗縣

采石驛

蕪湖縣

櫓港驛

池州府

貴池縣

池口驛

李楊河驛

銅陵縣

大通驛

鳳陽府

濠梁馬驛

濠梁驛

二驛併作濠梁水馬驛

鳳陽縣

王莊馬驛

懷遠縣

塗山水驛

柳灘驛

定遠縣

池河馬驛

張橋驛

臨淮縣

紅心馬驛

五河縣

安淮驛

潁州

潁川水驛

劉龍驛

柳河口驛

潁上縣

江口驛

甘城驛

太和縣

和陽驛

界溝驛

泗州

泗水驛

龍窩驛

壽州

新站驛

壽春驛

宿州

睢陽驛

百善道驛

大店驛

夾溝驛

靈壁縣

固鎮驛

揚州府

廣陵驛

江都縣

邵伯驛

儀真縣

迎鑾驛

儀真水驛

高郵州

孟城驛

界首驛

寶應縣

安平驛

淮安府

崇河驛

滿浦驛

淮陰驛

清河縣

金城驛

清水驛

洪澤驛

桃源縣

古城驛

桃源水驛

沭陽縣

僮陽驛

海州

興國莊驛

贛榆縣

王坊驛

東海驛

上莊驛

邳州

直河驛

新安驛

下邳驛

宿遷縣

鍾吾驛

廬州府

金斗驛

舒城縣

梅心驛

三溝驛

合肥縣

西山口驛

坡岡驛

派河驛

護城驛

無為州

巢縣

鎮巢驛

高井馬驛

安慶府

同安驛

望江縣

雷港驛

宿松縣

楓香驛

桐城縣

陶冲驛

呂亭驛

潛山縣

清口驛

太湖縣

小池驛

滁州

大柳樹驛

滁陽驛

徐州

利國監驛

黃河東岸馬驛

桃山馬驛

彭城驛

房村驛

夾溝驛

石山驛

沛縣

泗亭驛

和州

祁門馬驛

雍家城驛

當利馬驛

含山縣

界首馬驛

浙江

杭州府

吳山驛

武林驛

錢塘縣

浙江驛

海寧縣

長安驛

富陽縣

會江驛

紹興府

蓬萊驛

山陰縣

錢清驛

上虞縣

曹娥驛

會稽縣

東關驛

餘姚縣

姚江驛

蕭山縣

西興水驛

嚴州府

桐江驛

富春驛

金華府

雙溪馬驛

雙溪水驛

蘭溪縣

漱水驛

武義縣

茭道馬驛

永康縣

華溪驛

湯溪縣

湯溪馬驛

衢州府

信安驛

上航埠頭驛

龍游縣

亭步驛

龍丘驛

常山縣

廣濟渡驛

草萍驛

新站驛

處州府

括蒼水驛

青田縣

芝田驛

縉雲縣

丹峯驛

台州府

赤城驛

黃巖縣

丹崖驛

寧海縣

朱家壩驛

桑洲驛

白嶠驛

溫州府

永嘉縣

象浦驛

樂清縣

館頭驛

嶺店馬驛

西皋水馬驛

空輿嶺馬驛

寧波府

宏濟驛

四明驛

車廄驛

奉化縣

連山驛

西店驛

湖州府

苕溪驛

嘉興府

西水驛

桐鄉縣

皂林驛

浙江省船提舉司

安遠驛

江西

南昌府

南浦驛

南昌縣

市汊驛

武陽驛

新建縣

吳城驛

樵舍驛

豐城縣

劍江驛

進賢縣

鄒子驛

臨江府

清江縣

蕭灘驛

新喻縣

羅溪驛

新淦縣

金川驛

玉峽驛

袁州府

秀江驛

分宜縣

安仁驛

吉安府

廬陵縣

螺川驛

吉水縣

白沙驛

泰和縣

浩溪驛

淘金驛

萬安縣

皂口驛

五雲驛

贛州府

水西驛

攸鎮驛

上館驛

南安府

橫浦水馬驛

大庾縣

小溪水馬驛

南康縣

九牛水驛

南茆水馬驛

建昌府

南城縣

盱江驛

撫州府

臨川縣

清遠驛

孔家渡驛

金谿縣

石門驛

廣信府

上饒縣

葛陽馬驛

玉山縣

懷玉水馬驛

弋陽縣

葛溪驛

鉛山縣

車盤驛

鵞湖驛

貴溪縣

薌溪驛

饒州府

芝山驛

安仁縣

紫雲水驛

南康府

匡廬驛

都昌縣

團山驛

九江府

潯陽驛

彭澤縣

龍城驛

湖口縣

彭蠡驛

湖廣

武昌府

江夏縣

金口水驛

將臺馬驛

東湖馬驛

夏口驛

山陂馬驛

咸寧縣

咸寧驛

蒲圻縣

官塘驛

鳳山驛

港口驛

嘉魚縣

石頭口水驛

簾州水驛

魚山水驛

興國州

富池水驛

黃州府

齊安驛

黃岡縣

陽邏水驛

臨臯驛

李坪驛

陽邏馬驛

蕪水縣

浯川驛

巴水驛

蘭溪驛

蕪州

蕪陽驛

西河驛

廣濟縣

雙城驛

廣濟驛

黃梅縣

停前驛

荊州府

荊南驛

江陵縣

城東馬驛

松滋縣

潘家溪馬驛

石首縣

柳子驛

調絃驛

石首驛

通化驛

公安縣

孱陵水驛

孱陵馬驛

孫黃驛

民安驛

潛江縣

白袂水驛

監利縣

塔市驛

枝江縣

流店驛

歸州

建平驛

萬流驛

巴東縣

巴山驛

夷陵州

黃牛驛

鳳棲驛

屈溪驛

宜都縣

白洋驛

荊門州

魚料驛

建陽馬驛

石橋馬驛

麗陽馬驛

荊山馬驛

常德府

武陵縣

和豐驛

大龍驛

府河驛

桃源縣

淶羅驛

高都驛

新店驛

鄭家驛

桃源驛

龍陽縣

武口驛

河池驛

永州府

零陵縣

湘口水驛

方湫水驛

東安縣

石期驛

祁陽縣

歸陽驛

三吾驛

道州

瀟南驛

麻灘驛

寶慶府

資江水驛

新化縣

新化水驛

辰州府

江口驛

沅陵縣

界亭驛

辰陽馬驛

北溶驛

馬底驛

清浪驛

怡容水驛

盧溪縣

武溪驛

船溪驛

辰溪縣

辰陽水驛

山塘馬驛

沅州

懷化驛

羅舊驛

銅安驛

安江驛

盈口驛

竹寨驛

盧黔驛

沅水驛

便水馬驛

晃州馬驛

長沙府

長沙縣

彤關驛

臨湘驛

湘陰縣

磊石驛

笙竹驛

營田水驛

湘潭縣

湘潭驛

都石水驛

醴陵縣

泗州驛

豫口驛

衡州府

衡陽縣

臨蒸水驛

七里水驛

新塘水驛

衡山縣

皇華水驛

霞流水驛

耒陽縣

耒江水驛

常寧縣

河洲水驛

柏坊水驛

襄陽府

襄陽縣

潼口驛

漢江水馬驛

呂堰馬驛

宜城縣

蘓家湖驛

鄢城水馬驛

光化縣

鄧陽水驛

添設

岳州府

巴陵縣

鹿角水驛

臨江馬驛

岳陽馬驛

臨湘縣

城陵水驛

長安馬驛

雲溪馬驛

鴨欄水驛

平江縣

大荆驛

華容縣

華容馬驛

黃家水驛

明山古樓水驛

澧州

蘭江水馬二驛

清化馬驛

順林驛

安鄉縣

南平驛

漢陽府

漢陽縣

三汊驛

蒲潭驛

漢川縣

劉家驛

添設

安陸州

石城驛

舊口驛

沔陽州

深江驛

漢津驛

候埠驛

沙湖驛

剏河驛

景陵縣

乾灘驛

郴州

郴江驛

永興縣

皇華驛

靖州

會同縣

洪江驛

施州衛軍民指揮使司

三會驛

施州馬驛

福建

福州府

三山驛

閩縣

大田驛

侯官縣

白沙水驛

小箬驛

懷安縣

羊原驛

福清縣

蒜嶺驛

宏路驛

古田縣

水口驛

黃田驛

邵武府

邵武縣

挈口驛

樵川水驛

林墩馬驛

光澤縣

杉關馬驛

杭川水驛

建寧府

甌寧縣

葉坊驛

城西驛

崇安縣

大安驛

興田驛

長平水驛

建陽縣

東峯馬驛

建溪水驛

建安縣

太平水驛

延平府

劍浦水驛

南平縣

大橫水驛

茶洋驛

王臺驛

將樂縣

三華水驛

白蓮馬驛

順昌縣

雙峯驛

富屯水驛

興化府

莆陽馬驛

仙遊縣

楓亭驛

泉州府

晉安馬驛

南安縣

康店馬驛

同安縣

深青馬驛

大輪驛

惠安縣

錦田驛

漳州府

丹霞驛

漳浦縣

臨漳馬驛

南詔驛

雲霄驛

龍溪縣

江東馬驛

甘棠驛

南靖縣

平南驛

汀州府

長汀縣

臨汀馬驛

館前驛

三洲驛

添設

寧化縣

石牛馬驛

清流縣

玉華驛

九龍馬驛

上杭縣

平西驛

藍屋驛

添設

歸化縣

明溪驛

廣東

廣州府

南海縣

胥江水驛

西南水驛

官窰水驛

番禺縣

五羊水驛

湓湖馬驛

清遠縣

橫石磯水馬驛

安遠水驛

官莊馬驛

迴岐水驛

東莞縣

鐵岡水驛

城西水驛

黃家山水驛

增城縣

增江馬驛

東洲水驛

烏石馬驛

新會縣

蜆江水馬驛

東亭驛

添設

從化縣

李石岐馬驛

惠州府

歸善縣

水東水驛

平山馬驛

平政馬驛

欣樂水馬驛

苦竹泝水驛

博羅縣

莫村水驛

沙河馬驛

蘓州水驛

河源縣

義合水驛

藍口水驛

寶江水驛

海豐縣

南豐馬驛

大陂馬驛

平安馬驛

東海濬馬驛

龍川縣

雷鄉驛

通衢馬驛

長樂縣

興寧水馬驛

七都水驛

肇慶府

崧臺水馬驛

高要縣

新村水驛

新興縣

新昌水馬驛

腰古水馬驛

獨鶴馬驛

陽春縣

樂安驛

添設

陽江縣

太平馬驛

蓮塘馬驛

恩平馬驛

西平馬驛

德慶州

壽康水驛

封川縣

麟山水驛

韶州府

曲江縣

濠瀼水驛

芙蓉水驛

平圃水驛

英德縣

滇陽水驛

清溪馬驛

南雄府

凌江水馬驛

黃塘水馬驛

潮州府

海陽縣

三河水驛

鳳城馬驛

黃岡馬驛

產溪水驛

揭陽縣

桃山馬驛

潮陽縣

武寧馬驛

靈山馬驛

北山馬驛

程鄉縣

松口水驛

程江驛

攬潭水驛

饒平縣

三河水驛

雷州府

海康縣

雷陽馬驛

將軍馬驛

遂溪縣

桐油馬驛

新安水馬驛

城月馬驛

徐聞縣

英利馬驛

岑磊水馬驛

廉州府

還珠馬驛

石康縣

白石馬驛

烏家馬驛

欽州

天涯馬驛

防城水驛

平銀馬驛

靈山縣

太平馬驛

安遷馬驛

龍門馬驛

瓊州府

瓊山縣

瓊臺馬驛

白沙水驛

澄邁縣

通潮馬驛

西峯馬驛

文昌縣

賓宰馬驛

長岐馬驛

文昌馬驛

樂會縣

溫泉馬驛

會同縣

永豐馬驛

臨高縣

珠崖馬驛

崖州

太平馬驛

都許馬驛

德化馬驛

義寧馬驛

潮源馬驛

感恩縣

縣門馬驛

儋州

古儋馬驛

田頭馬驛

歸姜馬驛

大村馬驛

大員馬驛

昌化縣

昌江馬驛

萬州

萬全馬驛

多陳馬驛

陵水縣

順潮馬驛

烏石馬驛

高州府

古潘馬驛

茂名縣

那夏馬驛

電白縣

立石馬驛

信宜縣

寶江驛

化州

陵水馬驛

石城縣


息安驛

新和馬驛

三合馬驛

廣東市舶提舉司

懷遠驛



明會典卷一百十九